

unter St. Marienkirchen bei Prank eine Taverne zu errichten (Regesten I, Nr. 1401).—Am 7. October 1445 bestätigt er dem Propste

Item so hab ich zwen Erholdn̄ zu Liechtñbald der ain haisset Maiczn̄ Fleysschakcher des Janes sun Selign̄ am vrfar vnd Matheus Smid des Martin Sun am perg darumb Ich mich an den Gallñberger ein landsrecht begertt hab da hat er mir ein margkt recht gepottñ darumb Ich mich einem lann-desrechtñ zu Laibach Erklagt hab da habñ die landtlewtt daz Recht gen mir erchant er wer in dem land nicht gesessñ vnd hat doch sein Erb vnd gutt vnd auch sein Sicz in der hawbtmanschaft zu Krain pey Stein ze Minkchendorff ein Turñ verstat mñglicheich wol ab mir guttlicheich peschiecht ader nicht vnd schol also meiner Erholdn̄ aussen ligenn.

Antwort.

Item darauff ist mein Niklas des Gallñberger antwort als der Zoblsperger zwen purger hie ze Liechtñbald an mir eruodertt h̄t im die ze antwortñ ader Im die zu einem lann-desrecht ze stellñ darauff hab Ich Im hinwiderumb enpottñ Ich wolt Im die hie ze Liechtñbald zu einem margkt recht stellñ doch also wurd daz von den frñmen lewttñ erchant die zu solhñ tegñ chemen vnd auch von der nakeparschaft daz ich im die zu einem lann-desrecht stellñ scholt des wer ich im willig daran hat er chain benñgñ gehabt vnd hat mich verrer darumb gen Laibach in ain landesrecht geladñ wie er der sachñ vmb zway hundert phunt phening schedñ genomen hiet mynner ader merr darauff pin ich in antwort chomen vnd hab Im die teg abgenomen vnd die sach hat sich auch anders in eym lann-desrechtñ pegebñ wen des Zoblsperger schreibñ vnd fürbringñ Inne haltt.

Item So ist vor etlicher zeitt meiner mañ einer gestorbn̄ genant Michl zu Luppawicz da ist Mathe Chudanit auff dasselb mein guet gelauffñ vnd hat an klag vnd an alles anbringñ subñ frissching ab meinem guet vnd in meinem gericht an recht genomen daz hab ich den Gallenberger auch lassñ anbringñ daz er mit im schuff vnd auch daz zu hielt daz er mir vnd den mein die frissching wider tan hiet vnd hiet der selb Chudanit icht zu meinen lewttñ ze sprechñ so wer ich im willig ein Recht widerfarñ lassñ also lig ich der Frissching aussenn.

Antwort.

Item darauff ist mein Niklasñ Gallñberger antwort Ich hab den Mathe Chudanit darumb ze Red gesezt des antwort stet also Er hab Sechs frissching von des Zoblsperger pawer einem gehaufft vnd bezalt vnd er hat im die selbes geantwurt wie darumb so hab ich dem Zoblsperger ein Recht darumb pottñ Daz hat er also abgslagñ vnd daz dañ nachmalñ zu solhñ tegñ gericht vnd geaynt ist wurdñ als her hans der Reychñburger hawbtman ze Rain vnd der Zoblsperger ze Liechtñbald pey einander gewesñ sind.

Item So ist der Sorgko ZSüne purg für den Crisan brabiezsche vmb drey mark phening der ist gesessñ ob vnserer frawn in einer müll an der Liechtñbald der lig ich auch aussenn.

Antwort.

Item darauff ist mein Niklasñ Gallñberger antwort ich ways chain Sorko Zsuñe der da gesessñ ist ob vnserer Frawn an der liechtñbald an einer müll ich hab auch des nicht chuñen erfarn.